

ՕԿՏԱՒ ՖԵՅԼԷ

(Oktave Feuillet)

Ներկայ թւականի սկզբում վախճանւեց Պարիզում Օկտաւ Ֆէյլէ վիպասանը: Այդ անունը մեր գրականութեան մէջ յայտնինք-
րիցը չէ. նորա ոչ մի գրածքը թարգմանած չը կայ հայերէն լեզ-
ւով: Ոչ թէ ցաւ յայտնելու համար ենք ասում այդ՝ այլ միայն
իրողութիւնը վկայելու համար: Բայց այդ գրողը ներկայացուցիչ էր
վիպական մի ուղղութեան, որը իւր ժամանակն էր ունեցել եւրո-
պական և մասնաւորապէս Ֆրանսիական գրականութեան մէջ: Մի
յայտնի չափով նա հանրաւերոպական հռչակ էր վայելում, շնորհիւ
հեղինակի տաղանդին, հեղինակի, որը իւր ուրոյն ըմբռնողութիւնն
ունէր կեանքի և վէպի մասին: Այդ ուղղութիւնը կարող է համար-
ւել իդէալիստական, հակառակ այն դպրոցի, որը կրում է ռէալիստա-
կանի անունը. բայց իդէալիստական ասելով, գեռ. ևս բոլորովին ճիշդ
չի որոշւում Օկտաւ Ֆէյլէի ուղղութիւնը և նորա վէպերի բնաւորու-
թիւնը: Այն բնատրոշելու համար, մեզ հարկաւոր է ծանօթանալ մեզնից
30 տարի առաջ իշխող հասարակութեան հետ Ֆրանսիայում և այն մի-
միայն ամենաբարձր հասարակութեան հետ, որովհետեւ Օկտաւ Ֆէյլէն
հենց այդ բարձր արիստոկրատական շրջանի իդէալիստ վիպասանն էր:

Նապոլէօն III-ի կայսերութեան փառքի օրերն էր, երբ ամբողջ
հասարակութիւնը բռնւած էր փարթամութեան և էլեգանցի եռան-
դով, բուռն և ընդհանուր ծարաւով՝ ցրելու, ժամանակը զւարճու-
թիւնների մէջ անցկացնելու: Նոր բարձրացածների և օրւայ բաղ-
դաւորների աչքում իսկական կեանքը այլ ևս ոչ այլ ինչ էր եթէ
ոչ Ֆէերիա, դեկորացիա, հեշտասիրութիւն, զալթակդի: Խաբէու-
թիւն: Եւ ամեն մէկը իւր համար տեղ էր պահանջում այդ խրախ-

ճանքի մէջ: Եւ նոյն իսկ նոքա, որոնք, վիճակների մեծ տարբերութեան պատճառով, այդ խնճոցից դուրս էին, ագահաբար ձգտում էին այդ կեանքի գաղտնիքների մէջ թափանցել և նորա օդը շնչել: Թեթեւ գրականութիւնն էլ տարածում էր զորա պտուղները զարմանալի աջողութեամբ: Եւ ահա հէնց այն ժամանակն է որ ծնւեց և բացւեց, որպէս կրքի և իպէսի մի խառն ընդդիմադրութիւն՝ Օկտաւ Ֆէյլէի արխտօկրատական ժանրը,—մի ժանր, որը արհեստական էր և զուցէ շինծու, բայց որը վերին աստիճանի հրապուրիչ քաղցրութիւն էր ներկայացնում:

Ֆէյլէն ունէր իւր ժամանակակալ տենդենցները գուշակելու բնադրումը. որպէս անճիշդ նկարագրող, հիացնող և գեղեցկացնող՝ Պարիզի և ճոխ կեանքի մասին նա իւր սեպհական հասկացողութիւնն էր կազմել, որը բոլորովին դուրս էր սոցիալական գաղափարից և խնդիրներից. բայց այդ հասկացողութիւնը շատ համապատասխան էր ամբոխի կազմած գաղափարին այն շրջանների մասին, որ նկարագրում էր Ֆէյլէն: Այնտեղ ամեն ինչ սէր էր, հերոսութիւն և արխտօկրատիա. այնտեղ լսւում էին խօսակցութիւններ մի հասարակութեան, ուր ամեն մէկը փալլող ոգի ունէր. այնտեղ ամենքը յուքսեր են, կոմսեր, մարքիզներ, արտիստներ և ամենքն էլ համակրելի անձեր՝ փոքրիկ և հեռաքրքրական իշխանուհիներ, անբաղդ և ցաւի մէջ կամ չարչարած հոգով արտիստներ և երաժիշտներ կամ պայծառափայլ և հպարտ հին ազնւականներ, անդիմադրելի օճիցներն՝ սկզբունքով գալթակող, սովորութեամբ շփալտ, բայց ամեն բանից վեր՝ սիրող հայրենիք և պատիւը և, վերջապէս ջղալին կանայք, անկարգ, բարու և չարի մէջ անպափաւոր՝ բայց միշտ էլեղանու: Ընթերցողների երեակայութիւնները սառսռեցին, սիրունիկ աչքերը լցւեցին քաղցր արտասուքով: Յաջողութիւնը ահագին էր: Երիտասարդ զրոյղը կոչւում էր դէպի մոսպատորանքի կախարդանքը այնկան կանացի սրտեր, որոնք ագահաբար ձգտում էին մարմնացնել և տեսանելի դարձնել իրանց անորոշ ֆանտազիաները: Նա հաւատացրել էր որ աժեն մի կինը, որը երեսնի և քառասնի այսինքն կէսօրէի և մթնաշաղի մէջն է՝ ճակատագրական վճռով անձնատուր է կամ կասկածների կամ փորձութիւնների: Եւ ահա այդ առիթով անալիզներ և յամեմատութիւններ և այլն: Աւելցրէք որ նա երբէք

չէր դուրս գալիս իւր ընտրած շրջանից և որ երբէք նա չէր մոռա-
նում իւր սիրած զբաղմունքը՝ ամեն տեղ պէտք է երևար էլեգանց,
բոնոնտոն, նրբութիւն, և որ նա վարպետ էր ամենահետաքրքրական
պատմութիւնները զարդարել արաբեսկներով՝ քաղաքավարի, ճկուն,
ճսճուղ և ծաղկացրած ոճով գրած: Իզուր էր պնդում ընդհանուր-
կան նոր դպրոցը թէ արդէն վերջին հարւածը տուել է զգայնական
սենտիմենտալիզմին: Օկտաւ Ֆէյլէի համար գոյութիւն չունէին
Ֆէյդո՛րի, Միւրժէ՛ի, Շամֆլեօրի՛ի, Ֆլորեթի՛ գրւածները: Եւ մինչ-
դեռ Բալզակի հանճարը վերանում էր մարդկային կոմեդիայի ընդ-
լականութիւններից բարձր, որպէս մի ուժեղ արեգակ, Օկտաւ Ֆէյլէն
ընդհակառակը շարունակում էր իդէալի միջով անցկացնել, բոման-
տիքական աւերակների զարդարանքի մէջ՝ լուսնեակի լոյսը և Վալտեր
Սկոտի պէյզագները, նորա բլոնդ կանանց, ամազոնուհիներին և նորա
խարտեաշ կաւալերներին: Եւ առնում էին, ագահաբար գնում էին
Ֆէյլէի գրքերը, հազիւ տպարանից դուրս եկած:

Այդ ծայրահեղ յաջողութիւնը սակայն միանգամից ձեւք չը
բերւեց. նա էլ ունեցաւ իւր աստիճանները:

Օկտաւ Ֆէյլէի անունը առաջին անգամ երևաց 1845 թւականի
նոյեմբերին Օդէօնի թատրոնում: Այդտեղ խաղում էին նորա մի
փոքրիկ պիեսը՝ Հռոմի քաղաքացին, որը կարճ ժամանակում
րեպերտուարից հանւեց: Հետեւեալ տարին նա եկաւ միևնոյն թատ-
րոնը հինգ գործողութեամբ մի կոմեդիայով, որ գրւած էր աշխա-
տակցութեամբ Պոլ Բոկափի հետ և խորագրւած էր՝ Շահ և Մատ:
Յետոյ նա գրեց՝ Պալմա, ապա՝ Ռիշըլիէյի ծերութիւնը,
բայց միջակ յաջողութիւն ունեցաւ: Բայց ահա մի օր նա, կրկին
կարդալով Միւսէի գրւածները, աշխատելով նորոգել նորա առածների
թեթեւ գրացիան, նորա բարոյական դադափարներից պակասեցնելով
զգացողական կողմը յօգուտ հոգու՝ նա գտաւ իւր իսկական ճանա-
պարհը: Միւսէն այլ ևս չէր գրում երբ 1848 և 1849 թւական-
ներին Revue des Deux Mondes ամսագրում մէկը միւսին յաջոր-
դեցին նուրբ գրւածներ, էսքիզներ, ոչ բոլորովին նոյնքան պիկանտ
և ոչ էլ նոյնքան յաջող ոճով, որքան Միւսէինը, բայց նոցա շատ
նման: Սկզբում կարծում էին թէ Ֆէյլէն միայն նմանող է, և անհե-
տեանք գրողներին է, և նորա մասին խօսում էին՝ յաճախ միայն

Միւսէին գովելու համար: Բանը փոխեց երբ մոզայի հոսանքը անցաւ թատրոնին: Օկտաւ Ֆէյլէն զառաւ օրւայ սիրաւծը: Իննը թատրոնական գրեւծներում նա միւսնոյն էր ասում. գրեթէ ամեն տեղ հանդէս են գալիս երեսունը անցած կանայք, որոնք աշխատում են երիտասարդութեան իլլիւզիան պահպանել, մինչ ծայրահեղը հասցնել սիրելու ընդունակութիւնը, կռւելով իրանց մարդկանց անաարբերութեան դէմ և իրանց սրտի հակումների դէմ, բայց որոնք որ և է կերպով հաշտուում են իրանց մարդկանց հետ և վայելում ամուսնական սէրը: Այդ նոյն թեման միշտ կրկնում էր բայց այնքան նոր ձևերով, որ նոր էր թւում:

Աւելի ուշ, Օկտաւ Ֆէյլէն փոխեց թատրոնը՝ վէպի համար, որին նա տիրապետեց անվիճելի վարպետութեամբ: Ալեքսանդր Դիւմմայի դպրոցում սովորած լինելով վէպի գործողութիւնը սկսել, զարգացնել ֆաբուլան նա պահպանեց և իւր անձնականը՝ մի քաղաքավարի հասարակութեան բարք ու վարքի ճաշակը և հասկացողութիւնը: Նորա «Մի աղքատ ջայէլ մարդու բոմանը» (Le roman d'un jeune homme pauvre) և նորա «Սիբիլ» (Sibylle) վէպը Ֆէյլէին բացեցին ֆրանսիական Ակադեմիայի դռները: Նաև այսօր անփորձները, պատանիները, ջայէլ աղջիկները, պարզ և քնքոյշ սրտերը անասելի հրապոյր են զգում Ֆէյլէի հրապուրիչ վէպերից, որոնք ընթերցողին տանում են աշխարհքիս իրականութեան սահմաններից բոլորովին դուրս, ցոյց տալով այնքան մաքուր սէր, այնքան ասպետական զգացումներ, այնքան ճաճանչաւոր երազներ և իրականութիւնը այնքան բանաստեղծական:

Օկտաւ Ֆէյլէի բնորոշ յատկութիւններն են՝ նրբութիւնը, չափսը, մտերմականութիւնը, որոնք հրապուրում են երևակայութիւնը աւանց նորան խախտելու: Սրտի լարերը նա խաղացրել է ներկայ դարումն այնպէս, ինչպէս 18-երրորդ դարում անբաւ նուրբ Մարիւօն շեղինակը «Սիրոյ և պատահմունքի խաղեր» (Jeux d'amour et du hasard) գրեւծքի: Բայց և այնպէս Ֆէյլէն զուրկ չէր ըմբռնողութեան ոյժից: Նորա «Պր. դը Կամորս» (M. de Camors) նորերս էմիլ Զոլան յայտարարեց որպէս շատ ուժեղ գրեւծք: Դա Օկտաւ Ֆէյլէի գործոց գլուխն է: Նոյն յատկութիւնները կան նաև «Իւլիոս դը Տրէկեօր» (Julia de Trécoeur) և «Դալիլայի» (Dalila) մէջ:

Ֆէյլէի վերջին գրածները, օրինակ «Մեռածը» (Morte) կրու՛մ են իրագիտական դպրոցի ազդեցութիւնը: Բայց գրականութեան մէջ Ֆէյլէն կը մնայ որպէս իգէալիստ, հոգիների մխիթարող, նուրբ և մեղմ նկարագրողը արիստոկրատիայի կեանքի:

Անկասկած է որ նա շուներ ոչ Բալզակի կորովը և ոչ Միլսէի կամ Ժորժ Զանդի կրքոտ և պսպղուն ֆանտազիան: Բայց նա բաւականաչափ ոյժ ուներ, որ նորա մօտ գրացիան մնար գրացիա և որ վէպը բանաստեղծութեան հասնէր: Նա ընդհանրապէս գլուխ կը լինէր մեր դարու սենտիմենտալ դպրոցի, եթէ նորանից վեր չը լինէր Ժորժ Զանգը:

ԳՐ. ԱՆԱԿԵԱՆ